

Apaɛ

Apaɛ anaa nsaguo yɛ Akanfoɔ kwan a wɔnam so de wɔn ahiasɛm ne adɛsrɛ to Onyankopɔ anim srɛ ne nkyɛn mmoa ne adom. Ɛte sɛ Ɛkwan a Kristofɔɔ nam so bɔ mpaeɛ de wɔn adɛsrɛ to onyame anim no. Sɛdeɛ Kristofɔɔ gye di sɛ, Onyankopɔn yɛ ɔhene kɛsɛɛ a wɔtumi nkɔ n'anim prɛko pɛ, enti wɔde wɔn adɛsrɛ fa Yesu Kristo, a ɔyɛ Onyame tumofɔɔ no ba so, ansa na aduru Onyankopɔn anim no, saa ara nso na nananom Akanfoɔ bu Onyankopɔn sɛ ɔhempon a wɔntumi ne no nkasa anim ne anim wɔbɛfa akyeame bi so ne no akasa.

Akanfoɔ adeɛ biara a wɔbɛyɔ no, wɔyi Ɛho apaɛ de srɛ sɛ deɛ wɔreyɔ no nsi yie mma wɔn. Wei nti Ɛfiri awaregyeɛ, nyinsɛnhwɛ, ayarehwɛ, awoɔ ne abadinto so de kɔsi owuo ne ayieyɔ so, nananom Akanfoɔ ye apaɛ wɔ wɔn biribiara mu. Wɔn afahyɛ ne amammerɛ ahoroɔ mu, ahensie, ɔsakɔ, ahentuo, adaeɛdie mu, apaɛ di akoten. Wɔn nnwuma nyinaa - kuayo, adwadie, abɛtwa, atono, nkonnwasene, ahayo ne ade nyinaa mu nso, wɔn werɛ mfiri wɔn Nyankopɔn, enti wɔyi apaɛ. Ne tiawa mu no, anigyeɛ berɛ ne awerɛhoɔ berɛ mu, Akanfoɔ yi apaɛ.

Apaɛ wɔ nhyehyɛɛ sononko bi. Ɛne sɛ wɔakyɛ apaɛ mu afaafa nan. Weinom ne:

Ɔfrɛ, amanneɛbɔ, adɛsrɛ ne awieɛɛ.

Ɔfrɛ ne apaɛ nkyekyɛmu a Ɛdi kan, Ɛno mu na wɔfrɛ Onyankopɔn a wɔgye di sɛ ɔyɛ nnoɔma nyinaa so Otumfɔɔ no. Ɛno akyi, wɔfrɛ Asaase Yaa Amponyinamoa. Sɛdeɛ Kristofɔɔ bɔ mpaeɛ fa ahotefɔɔ bi a Borɔfo kasa mu yɛfrɛ wɔn Saints no, saa ara nsona Akanfoɔ fa yɛn nananom nsamanfɔɔ a, wɔn nkwa nna, mu wɔyɔɔ ade pa so srɛ adeɛ firi Onyankopɔn nkyɛn. Yɛnyi apaɛ mfrɛ obi a ɔte ase. Ɛno akyi wɔfrɛ sunsum ahoroɔ sɛ ebia nsuo, mmepɔ ne ade nso.

Nkyekyɛmu a ɛto so mmieniu a ɛyɛ amanneɛbo no mu na wɔkyerɛ apaeɛ no botaeɛ. Sɛ ebia ɛy awaregyeɛ, ahentuo, afahyɛ, ayieyo, ayaresa. ɛha na wode adeɛ pɔtee a wɔreyɔ no to dwa.

Amanneɛbo no akyi na adesrɛ ba. Akanfoɔ nim sɛ onipa ahooɛn sua a onni tumi biara anaa ahooɛn a oɛ bɛyɔ biribiara ma ayɛ yie enti sɛ wɛreya mmoa anaa tumi bi firi Onyankopɔn nkyɛn ma ɛgyina wɔn akyi, we nti wode wɔn adesrɛ to dwa. wɔmfa nnooma bebree mfrafra wɔ apaeɛ baako mu. Adeɛ biara a wɔreyi ɛho apaeɛ no, ɛno nko ara ho adesrɛ na wode to dwa.

Nkyekyɛmu a ɛtwa too ne awieeɛ no. Wɔakyɛ mu afaafa nkumaa mmieniu – nhyira ne nnomeɛ.

Nhyira no mu no, wɔsrɛ nhyira, nkɔsoɔ, onyinkyerɛ, ahonya, siadeɛ, asomdwoeɛ, ahooɛn ne ahotɔ ma wɔn oɔɔfoɔ, abusuafoɔ, ne nnamfoɔ a wɔpɛ wɔn yie. ɛha nso wɔsrɛ Onyankopɔn mpa wɔn ho mmusuo, nyarewa, asianeɛ ne adeɛ biara a ɛnyɛ, sɛ ebia, aban amaneɛ, nyinaa mfiri ho.

Nnomeɛ no mu, wɔdome wɔn atamfoɔ ne nnipa bɔnefoɔ a wɔmpɛ wɔn yie nyinaa ne titire no, obi a, ɛkaa no nko na asianeɛ aba deɛ wɔreyɔ no ho ma adane mmusuo, atoyerɛnkyɛm ne ɔhaw.

Akanfoɔ mu ɔbarima biara a ɔyɛ ɔpanin no yumi yi apaeɛ berɛ biara a adeɛ bi bɛhia no. ɔtumi nso yi apaeɛ ma obi. Mpɛn pii no, mmaa ne mmɔfra nyi apaeɛ.

Sɛ ɔman nyinaa hyia a, ɔkyeame na ɔtaa yi apaeɛ. Sɛ ɔhene ne ne mpanimfoɔ kɔ nkonnwafie so dabɔne a, ɔkyeame anaa abusuapanin na ɔyi apaeɛ wɔ nkonnwa so. Sɛ obi akɔmfofie a, ɔkyeame a ɔwɔ ho na ɔyi apaɛ.

Adeɛ baako a ɛwɔ apaeɛ ho ne sɛ, Akanfoɔ nyi apaeɛ anadwo ɛfiri sɛ ɛyɛ a na wɔse adeɛ asa. Akanfoɔ nni mmara dendeenden a ɛfa baabi a yɛyi apaeɛ ho. Sɛdeɛ Kristofoɔ tumi bo mpaeɛ wɔ baabiara no saa nso na

Akanfoo tumi yi apaeɛ wɔ baabiara – efie, adwuma mu, afuom ne wuram baabiara

Adeɛ titire a yɛde yi apaeɛ ne mmorɔsa. Ɛto da bi a yɛtumi de nsafufuo anaa nsa biara yi apaeɛ. Sɛ Ɛkyere so a obi tumi de nsuo hunu yi apaeɛ ma Ɛyɛ yie.

Bua nsɛm yi:

1. Apaeɛ din foforo ne deɛn?
2. Apaeɛ mu hwan na Akanfoo de won adesrɛ to n’anim?
3. Bobɔ nnoɔma mmienu a Akanfoo yi apaeɛ fo ho.
4. Apaeɛ wɔ nkyekyɛm titire ahe?
5. Hwan na Akanfoo bɔ no mmrane sɛ Amponyinamoa?
6. Apaeɛ nkyekyɛmu bɛn mu na yɛkyerɛ apaeɛ no botaeɛ?

NHWESO

Onyankopɔn Kwame Tweaduampɔn nsa!

Asaase Yaa Amponyinamoa nsa!

Ayokofoo nsamanfoo nsa!

Biretufoo nsamanfoo nsa!

Asonafoo nsamanfoo nsa!

Birem Abenaa nsa!

Supɔn Akwasi nsa!

Nana Twum Hene nsa!
ɔbaapanin Afia Ayowa Safo nsa!
Yɛfr ɔbaako a, na yɛafrɛ mo nyinaa.
ɛnyɛ bɔne nti na yɛrefrɛ mo.
ɛne sɛ mo ara mo adaworoma,
ɛna moahwɛ mo dehyɛ Yaa Boatemaa so,
Moagyina n'akyi, akyigyina pa,
Ma wakɔ suuku akɔ, akɔduru Suapɔn mu do.
ɛnnɛ wawie ayɛ awuraa mua,
Ne nsa aka n'adwuma a ɔreyɔ.
ɔbaa biara nso animuonyam ne awareɛ,
sɛdeɛ esie animuonyam ne mmire.
Mo adaworoma ɛnnɛ na,
Owura Kusi Apea, ɔbɛmpa,
Adi n'akyi aba fie,
Sɛ ɔrebɛsrɛ no afiri agya,
Ne abusua nsam, aware no.
Saa ara na yɛyɔ no.
Sɛbe, obi kwan da ho a,
Yɛntiatia mu kwa.
Yɛsrɛ mo monnyina awareɛ no akyi.
Momma ɛnyɛ krabɛhwɛ.

Nana Yaw Donko, Oपुरो Ankoma,
Wo nsa nie!
Yɛsrɛ wo, awareɛ mu nhyira ne mma.
Mommue Yaa yafunu mu,
Momma no now, now abaduasa
Nna badukɛtɛ so.
ɛnnɛ nwomasua na yɛde yɛ ɔman.
Nwomasua nso yɛ sikasɛm,
Mpanin se, yɛnkɔte aduro mmra a,
ɛno nnwuma a wɔreyɔ nyinaa,
Monhyia so ma ɛnyɛ yie.
Momma wɔnya nkɔsɔɔ ne nkɔanim,
Wɔ wɔn nnwuma mu.
Wɔsɔ dɔteɛ mu a,
Momma ɛnyɛ sika.
Na daakye wɔatumi ahwɛ wɔn mma,
Ma wɔn mma nso abɛyɛ atitire
Na wɔde wɔn nyansa ne nimdeɛ
Asom Ghanaman ɔsom pa.
Yɛsrɛ sɛ ɔdɔ ne nteaseɛ,
Nokorɛdie ne ahotosɔɔ,
Baakoyɛ ne adwenkorɔ

Ntena won awareE yi mu.
Na EnyE nkɔnsɔnkɔnsɔn a,
EbEka won abɔ mu daa.
YEn a yEahyia ha nyinaa nkwa so.
Momma yEn onyinkyerE,
Mommma yEnnyare,
Mommma yEnnya aban amaneE
Onipa bɔnefoɔ biara a,
Ekaa no nko, na anka
Nana Yaa awareE yi asEe deE,
Obiara nkɔ nhyira
Nhyira ne busuyEfoɔ,
MommEfa no nkɔ akyirikyiri,
Baabi a nnipa nni!